



**KEMENTERIAN  
PERPADUAN NEGARA**

**KENYATAAN MEDIA**

**SAMBUTAN BULAN RAMADAN 1443H**

---

3 April 2021, Putrajaya – 1 Ramadan 1443H sememangnya bulan yang dinanti-nantikan oleh seluruh Keluarga Malaysia beragama Islam yang jatuh pada 3 April 2022.

2. Bulan Ramadan bukan sekadar untuk umat Islam menjalani ibadah puasa namun ia merupakan platform terbaik untuk terus meningkatkan semangat Keluarga Malaysia melalui nilai toleransi, saling menghormati dan meraikan perbezaan yang kita miliki.

3. Ramadan juga adalah bulan yang mendidik kita menjadi insan yang sabar dan mempunyai nilai empati yang tinggi khususnya kepada golongan yang kurang bernasib baik.

4. Atas semangat kebersamaan dan kesyukuran sebagai sebuah keluarga, pada bulan penuh kemuliaan ini marilah kita mengambil seberapa banyak kesempatan untuk terus membantu golongan yang kurang bernasib baik dan memerlukan.

5. Manakala itu, pada 1 April yang lepas negara telah pun memasuki fasa Endemik yang mana pelbagai kelonggaran telah diberikan termasuklah penganjuran Bazar Ramadan. Di sinilah kita akan melihat pelbagai kaum dan etnik sebagai sebuah Keluarga Malaysia berkunjung mendapatkan pelbagai juadah makanan dan minuman serta

barangan keperluan. Namun usahlah kita lupa dan alpa untuk sentiasa mematuhi kepada SOP yang telah ditetapkan.

6. Buat seluruh umat Islam, saya ingin mengucapkan selamat menyambut Ramadan al-mubarak. Semoga kita semua dapat mempertingkatkan amalan dan terpilih untuk bertemu dengan Lailatul Qadar, malam yang lebih baik dari seribu bulan.

**YB Datuk Halimah Mohamed Sadique,  
Menteri Perpaduan Negara**

3 April 2022

-TAMAT-

**Pertanyaan media:**

Unit Komunikasi Korporat, Kementerian Perpaduan Negara

Tel: +603 8091 8041 Fax: +603 8888 8568 / 569

E-mail: [pro@perpaduan.gov.my](mailto:pro@perpaduan.gov.my)

No rujukan: KPN.UKK.1009/1/8 (121)